

虜背仙宮因何卻得心悔過遇我穿鑿勝良工忻躍焚燒船與
網慈悲感動神與龍海市呈空驚眾目於中說倒白髯翁時當
臘八生異象希奇造化現來雄龍虎遶蟠吟不盡神仙出沒晝
無窮寶殿珠樓水搖蕩瓊林琪樹氣浮融跨鶴金童敲玉磬登
壇玉女擊金鐘嘉瑞重重襯天潤慶雲靄靄顯年豐悟來赤鳳
翅調金倒把青牛尾秉銅重遇重陽仙訓誨水清玉潔樂真風

甯海軍判官烏延烏出次韻

臘八海市現寒空虛無氣象杳冥中紫霧化成蓬島洞紅霞變
作寶瓶宮隋珠照海相連蚌蜀錦牽船豈見工風光搖曳奔山
虎彩雲橫斜出水龍遙觀引鶴垂髻子遠望披蓑策杖翁乘鸞
道藏輯要

洞玄金玉集

矣

卷六

次韻

萬頃琉璃襯半空陰陽造化在其中鵲橋橋度三山客鸞輿輿
訪九霄宮希奇樓顯摘星手玲瓏塔現不凡工隊隊坎男乘白
虎羣羣離女跨青龍背縮同心小小子帽裹三簷老老翁忽爾
騰空飛鶴勢偶然戲水巨鰲雄相契內事山侗富倒笑虛假石
崇窮性住命停昭且著神清氣爽朗然融慈悲句句如良藥語

話琅琅似擊鐘罷鍊心魔并意亂卻祈國富與民豐願無憎愛
投嘉趣誓不慳貪積臭銅三髻狂吟人莫笑一般風害害風風

復用前韻

琅琅海市秀臘空相次東坡十月中瑞氣結成蓬島洞彩霞捧
出九霄宮我來西高行教化祥生北海顯仙工躍嶺奔山投穴
虎噴雲吐霧戲珠龍異常造化終三日希奇驚倒一老翁蓋因
漁父網焚喜感動天翁景變雄詩匠賦詩詩有盡畫工欲畫畫
無窮白叟黃童誠大悅青天紅日顯明融四皓嬉遊縱狂舞八
仙宴飲倒提鐘外施功行神明祐內鍊沖和道氣豐持戒已無
心犯戒見銅怎敢手拈銅奉勸後來學道者殷勤謹謹繼予風

道藏輯要

洞玄金玉集

卷

胃集六

癸卯四月行化道過福山因借坡公海市詩韻以述懷贈

諸道友

馬風得遇治虛空水養靈煙恍惚中斡動玲瓏珍寶藏剔開晃
朗蕊珠宮性好清閑并道德教傳農士與商工調和鼎內龍蟠
虎逗引鑪中虎遶龍鉛精永體歸根蒂女姪嬰嬌惜主翁既悟
無爲真活計肯持有作假英雄專志投玄能離苦虔誠索隱不
憂窮心便環堵攀原憲腹長胎仙傲孔融欽崇教主唐才呂遵
奉講師漢將鐘常嘆一瓢爲我累甯思五袴倣他豐九載曾修
三澗雪十年不把一文銅誰繼重陽師父踵邱劉譚馬闡家風
予行化芝陽特承蓬萊道眾見訪相別索詩爲借坡公韻